



SIUMUT INATSISARTUNI ILAASORTAATITAT

30. oktober 2012

Inatsisartut suleriaasiat § 37 imm.1 naapertorlugu Naalackersuisunut apeqqutit:

- 1. Soormitaavaa ukioq manna 2012-mi Arsummiut aalisarnermik piniarnermillu inuutissarsiuteqartut aammalu saniatigooralugu piniarnermik allagartaqartut ukioq manna umimmanniarnissaminut qinnuteqartinneqarsimanatillu pisassinneqarsimangillat? Uffalu Arsuup avataaniittut tassalu kujataamiut allat pisassinneqarsimaneragaasut.**
- 2. Ukioq manna Arsuup kangerluani umimmaat qassit sumut (inuussutissarsiuutigalugu piniartut, sunngiffiminni piniartut, tammajuitsussarsiuutigalugu piniartut) tutsinneqarlutik umimmattassiissutigineqarsimappat?**
- 3. Takornarianut tammajuitsussarsinianut umimmattassiissuteqartoqarsimava?**
- 4. Takornarianut umimmattassiisoqarsimappat umuimmattassiissutit qassiuppat?**
- 5. Ataani tunngavilersuut aallavigalugu Naalackersuisut Arsummiunut piaarnerpaamik tassalu ukioq manna naatinnagu umimmattassiinissaat nunaqqataasut kissaatigisaat piviusunngortinneqassava?**
(Inatsisartuni ilaasortaq Ruth Heilmann, Siumut)

Tunngavilersuut:

Ukiualuit matuma siorna Arsuup Kangerluanut umimmaliisoqarsimanagera peqquteqarpoq nunaq-qatigiinnut neqissaqarniarneq aamma siunertaammat, ilami Arsummiuinnaannngitsunut kujataanilu najugaqartunut tamanut. Malugalugu aamma pingaartumik Arsummiut neqissaqarnissaat taamanikut pingaartinneqarmat, taakkumi najugaqarfiat umimmaat najugaqarfigilersimavaat qujanartumillu amerliartupilooqisut tusartuarpavut tamannalu pissuteqarpoq nuna najugartik assut iluarisimaaramikku.

Taamaattumillu oqaatigisariaqarpoq Arsummiut umimmaqarfiup pitsaaasumik paarineqarneranut assut pingaaruteqartut qutsavissaalluartullu. Taavali killormuanik pisoqarpoq. Ullumikkut Arsummiut umimmagullutik pisaqarsinnaanatilluunniit isiginnaaginnartunngortitaallutik. Tamanna pissu-sissamisooruusinnaanngilaq, taamaattumik Piniarnermut Naalackersuisoqarfiup taamatut pissu-lersuuteqarnera akuersaarneqarsinnaanngilluinnarpoq nassuiaateqartariaqarlunilu.

Naalackersuisuutitap piaarnerpaamik Arsummiunut umimmanniarsinnaanerannik ammaassinissaa matumuuna ilungersortumik piumasaraara.